



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

24.03.2023

165-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti TDYU va Grodno davlat universiteti qo'shma ta'lim dasturi 3-kurs talabalari Jaxonov Oybek Sirojiddinovich va Mustafoev Javohir Pardaboyevich Odob-axloq kodeksi qoidalari bilan tanishtirilgan, shuningdek, dekanat tomonidan ogohlantirish berilgan bo'lishiga qaramay dars mashg'uloti paytida uyali aloqa vositasidan foydalangan.

Talabalar O.Jaxonov va J.Mustafoevlar mazkur harakatlari bilan universitet Odob-axloq kodeksi 21-moddasi (dars mashg'ulotlari vaqtida uyali aloqa vositalaridan foydalanish barcha uchun qat'iy qat'iy taqiqlanadi. Uyali aloqa vositalaridan foydalanishga zarur va uzrli holatlarda pedagog xodimning ruxsati bilangina ruxsat etilishi mumkin) talabalarini buzgan.

Shuningdek, TDYU va KazGYU davlat universiteti qo'shma ta'lim dasturi 3-kurs talabasi Abdumajitov Abbosxon Davlatjon o'g'li belgilangan tashqi ko'rinishga oid qoidalarga zid ravishda universitetga soqoli o'sgan holda kelgan.

Talaba A.Abdumajitov mazkur harakatlari bilan universitet Odob-axloq kodeksi 16-moddasining birinchi qismi yettinchi xatboshisi (universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish, tashqi ko'rinishga va ushbu Kodeksda belgilangan qoidalarga zid ravishda soch-soqoli o'sgan, to'zg'igan va kiyinish talabalariga rioya qilmagan holda kelish) talabalarini buzgan.

Bundan tashqari, fakultetning 3-kurs talabalari Qo'ldoshev Shaxriyor Shokirovich va Azimjonov Doniyorbek Dilshod o'g'li universitet binolariga tutashgan hududda tamaki mahsulotini iste'mol qilgan.

Talabalar Sh.Qo'ldoshev va D.Azimjonovlar mazkur harakatlari bilan universitet Odob-axloq kodeksi 16-moddasining birinchi qismi yettinchi xatboshisi (universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish, tashqi ko'rinishga va ushbu Kodeksda belgilangan qoidalarga zid ravishda soch-soqoli o'sgan, to'zg'igan va kiyinish talablariga rioya qilmagan holda kelish) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksi 21-moddasi hamda 16-moddasining birinchi qismi yettinchi xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga asosan

### **BUYURAMAN:**

1.Universitet Odob-axloq kodeksi 21-moddasi talablarini buzganligi uchun universitetning Xalqaro huquq va qiyosiy huquqshunoslik fakulteti TDYU va Grodno davlat universiteti qo'shma ta'lim dasturi 3-kurs talabalari Jaxonov Oybek Sirojiddinovich va Mustafoev Javohir Pardaboyevichlarga hayfsan e'lon qilinsin.

2.Universitet Odob-axloq kodeksi 16-moddasining birinchi qismi yettinchi xatboshisi talablarini buzganligi uchun TDYU va KazGYU davlat universiteti qo'shma ta'lim dasturi Xalqaro huquq va qiyosiy huquqshunoslik fakulteti 3-kurs talabasi Abdumajitov Abbasxon Davlatjon o'g'li va fakultetning 3-kurs talabalari Qo'ldoshev Shaxriyor Shokirovich hamda Azimjonov Doniyorbek Dilshod o'g'liga hayfsan e'lon qilinsin.

3.Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) mazkur buyruq bilan talabalarning shaxsini sir saqlagan holda universitet talabalarini tanishtirsin.

4. Fakultet dekani (D.Umarxanova):  
mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

5.Mazkur buyruq bajarilishini nazorat qilish prorektor A.Hashimxonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



yuriskonsult

D.ALIBOYEV

